

# الحلقة 8 | التعديل الوزاري | ملفات أبو إسماعيل | الشيخ حازم صالح أبو إسماعيل

حازم صالح أبو إسماعيل

بسم الله الرحمن الرحيم. الحمد لله رب العالمين وشهاده ان لا اله الا الله وحده لا شريك له وشهاده ان سيدنا محمدًا عبد الله ورسوله  
صلى الله عليه وسلم وسائل الله عز وجل مخلصا يا رب العالمين - 00:00:02  
الا يجعلنا نوجه القلب الا اليه سبحانه وتعالى وان يجعل رضاه همنا وليس آآ رضا الناس يا رب العالمين وسائل الله سبحانه وتعالى ان  
يهيئ لنا من امرنا رشدا آآ - 00:00:20

ايها الاخوة السلام عليكم ورحمة الله وبركاته النهاردة احنا عندنا هنتعطل هنتعطل برغم انه كان لازم هذا الاسبوع اوصل بعض  
الكلمات الهامة لحضراتكم والحقيقة انه لو اني اعلم الغيب لاستكترت من الخير وما مسني السوء. كنت اتكلمت امبارح - 00:00:38  
في اللي انا كان يجب اقوله النهاردة لو اعرف انها هتعطل انما امبارح زي ما حضراتكم عارفين حصلت مشكلة ضخمة جدا جدا الدنيا  
مقلوبة واخواننا هنا الحقيقة ربنا يكرمهم في هذه المحطة الخطيرة جدا - 00:01:04  
يعني آآ ذكرروا لها احصاءات بالارقام عن الرسائل او الكومونتات او التعليقات او ما الى ذلك التي جاءت بسبب حديثنا بالامس مما  
 يجعلني مضطرا انه لازم اه او اوجهها مع انه الحقيقة كنت احب ان انا ما اتعطلش وان انا امشي في طريقي لكن على كل حال هكذا قدر  
الله عز وجل - 00:01:24

بالامس انا كنت متعمد اني ما تناولشي ولا اتكلم عن مسألة التعديل الوزاري. كان عندي موضوع تاني اللي هو فتح مسألة ميزان القوى  
الاستراتيجية في المنطقة اقليميا سياسية وعسكرية واقتصادية واتكلمنا وكتبت حريص انه لا اتكلم عن مسألة التعديل الوزاري خالص  
الحقيقة - 00:01:51

انما اتكلمت عابرا جدا في اقل معرفش قد ايه دقية اتنين ثلاثة حاجة يعني بسرعة عابرة جدا وانت لاحظتم انه حتى التعليق وان  
كان في اوصاف انما كان متحفظ يعني لم يكن فيه الرغبة في اني اظهر او ابدي - 00:02:17  
اه كامل وجهة النظر والحقيقة الدنيا اتقلبت لدرجة انه فيه ناس آآ من حبابينا الكرام الطيبين خلاص يعني ترك كل ما بیننا كل ما بیننا  
عقيدة بقى رسالة خطر احنا في عز الازمة شايلين ارواحنا على اكفنا - 00:02:37  
اه منهج عقيدة اه مسار كله قال لك لأ خلاص بقى يعني كذا يعني ايه؟ وودعني واه والامر يعني الحقيقة الدنيا اتقلبت الحقيقة. مع  
انه شيء يعني منطقي قوي واضح جدا - 00:03:01

انه المتضرر الاول هو انا اصلا يعني النقطة اللي انت بتثيروها هو من الذي ظلم؟ من من؟ صاحب المظلمة من صاحب الازمة؟ من  
صاحب مين اول من ادير وبالتالي انا مش محتاج حد يقول لي آآ لو سمحت يعني آآ واضح - 00:03:19  
انما برغم كده والله يعني انا اشهد الله عز وجل اني احبهم في الله اخوانى الكرام هؤلاء احبهم في الله واعلم الانفعال القلبي اللي هم  
فيه. وسائل الله عز وجل ان يلطف بعواطفنا المجيدة - 00:03:39

يعني اسأل الله ان يلطف بعواطفنا المجيدة وبالظلمات المتتالية وعايز اقول لكم انه لا شك انه اللياقة والذوق كان يقتضي شيء اخر  
انما آآ خلاص ده كان شيء قديم بقى خلاص احنا خدنا على انه - 00:03:57  
حتى اللياقة او ما الى ذلك غير خلاص ده بيقعد مطروحا على كل حال انا حاضر هتعطل النهاردة وهعلق لحضراتكم عشان

تعرفوا بعض ما كان يجب اني ما قولوش - 00:04:13

وطبعا انا برضو مش هقدر اقول كل حاجة برضو مش هقدر اقول كل حاجة لانه انا مش مش يعني ما اجعلش الخيانة اني علشان فيه آناس كتيرة بحالة من من الضيق ان انا يعني اخون واذكر ما يجب - 00:04:35

انه لا يقال علنا لكن حاضر انا خليني النهاردة نتعطل وانتم السبب واقول ما يجب الا يقال وانتم السبب والامر لله ويعني اسأل الله سبحانه وتعالى زي ما بقول لكم انا اقدر عاطفتكم وبالعكس يعني انا اسأل الله انه يلطف ويرأف بقلوب اخوانی جمیعا - 00:04:53  
شوفوا يا اخواننا اولا السبب اللي خلى الناس امبارح حس بثوران انهم في زهنهم وزير واحد بس من الوزراء اللي جم وبالتالي ما خدوش بالهم من بقية التشكيل الوزاري هم صرفوا الكلام كله على الموقف الوزاري الواحد اللي هم قاصدينه ده. اللي هو - 00:05:20  
وزير الشؤون القانونية فقط ولم ينتبهوا انه في تشكيل وزاري كامل وبالتالي كل اللي انا قلته خدوه حطوه على النقطة محددة ولم ينتبهوا الى بقية المزدومة لكن انا يمكن يعني - 00:05:45

رفقا بالقلوب هذكر لكم ليه اللي انا قلته بالامس على التعديل الوزاري؟ وليه هو بالفعل شيء المصمم مهم اولا وانا على فكرة برضه عايز لما اتكلم ما اقولش كلامي انا - 00:06:04

عايز اقول كلام الخصوم كلام خصوم التعديل الوزاري عشان تعرفوا اولا ثانيا ثالثا رابعا خلينا ناخذ نقطة نقطة بقدر ما اتذكر تشكيل وزير في وزير جديد للاستثمار تابع او من ضمن حزب الحرية والعدالة او جماعة الاخوان المسلمين او اسلامي او شيء من هذا القبيل - 00:06:27

وزير الاستثمار ده تتبعه ايه تتبعه كل القنوات الفضائية تتبعه مدينة الانتاج الاعلامي تتبعه الهيئة العامة للاستثمار هو الوزير المختص بالاشراف على القنوات الفضائية كلها فاللي بيقولوه خصوم التعديل الوزاري اللي زعلانين يعني منه بيقولوا ان الله ده انت كده - 00:06:56

بتخلி الذي يستطيع انه يعيد ترتيبات المنطقة الاعلامية الحرة وزير من يعني هو اللي هيكلت بقى مع القنوات الفضائية هو اللي هيشفو الدنیا ماشیة ازاي فدي نقطة لا متعد - 00:07:23

وزارة الاستثمار وزارة آلا وزارة فاهمة بقى او عايزه تعمل ايه. ده الكلام هم يقولونه مش انا يعني انا لا اذكر هزا وبالتالي التعديل الوزاري تضمن فيما يقوله خصوم او او حتى المعارضين او شيء - 00:07:41

انه اصبح هذا التعديل الوزاري يساوي انه القنوات الفضائية كلها بتدخل الى انها تمشي طبقا للقانون او السيطرة القانونية السليمة اللي ما فيهاش تجاوز ويعرف يتزبط. وزير من اخوان النقطة الثانية - 00:07:59

وزير لما بتيجي تتكلم مع صندوق النقد الدولي او الناس العالميين مين الوزير اللي مكلف ان هو يضع تقريره ازا كنا موافقين نتعامل مع صندوق النقد الدولي كده ولا أ - 00:08:22

صح ولا؟ اللي يكتب تقريره بانه الكلام يعني ان انا موافق على كذا ولا لا وزير اسمه وزير التعاون الدولي ده قد يثير مشكلات ضخمة جدا من غير ما ناخذ بالنا في التعامل مع الجهات المالية الدولية - 00:08:38

في مسألة القرض اللي هو معتبرينه العصب اللي يعني علشان نلحق نلاقي شوية سبولة نمشي بها امورنا هذا ايضا اصبح من المجموعة المتفاوضة المتألفة المتناغمة مع رئيس الدولة وبالتالي مجرد اجراءاته وتقاريره - 00:08:57

اصبحت عبارة عن خروج سريع المفترض والله اعلم انا بقول لك ما يقوله الخصوم ده مش كلامي انا اصبح بهذا ممكن بدل ما كنا الشروط حاجة من الاثنين يا اما تبوز الاتفاق مع صندوق النقد الدولي - 00:09:19

يا اما تمشي الاتفاق بس تضغط على الفئات الفقيرة في المجتمع تعمل اشياء اسوأ لان هو مشترط حاجات اصبح الوزير اللي المفترض ان هو يعني يبقى صاحب التقرير في ابقاء - 00:09:39

بانه يجنب مصر ان يبقى فيه شدة على الفقراء من ناحية او اه يجنبها افساد التفاوض مع صندوق النقد الدولي اه اصبح وزير من الاخوان ولذلك انا عايز اقول لكم حاجة عشان بس تبقو عارفين - 00:09:56

ما هو لما اجي انكلم مع صندوق النقد الدولي واتفق معه على القرض بس بشرط ان انا اعمل قوانين ضرائب وتأمينات ضرائب ودمغات ورسوم اشد على المواطن يبقى انا خدت الفلوس من العالمية وعملت ازمة اجتماعية مع الفقراء هنا في بلدي - 00:10:15 فلما يجي الوزير ده عشان يعرف يوزن الكفتين يبقى شخص مخلص للرئيس او متناغم مع سياساته يبقى انت بتعمل شغالة كبيرة جدا تطلع بها من ما انت يا تقع يا يمين يا شمال - 00:10:39

المفروض ان انت كده ولذلك انا حتى ودي نمرة ثلاثة اعتبروها لما انا قلت ان كان الافضل انه يتفصل وزارة التخطيط عن وزارة التعاون الدولي وقررت ده كتير وحتى لما ايام ما كنت مرشح كنت بتكلم في برنامجي عن هذا - 00:10:55 ان ما تخليش الوزير المسؤول عن التخطيط الاقتصادي لمصر هو وزير التخطيط والتعاون الدولي لانه هيبقى اللي مؤثر عليه ايه؟ انه بيتفاهم مع الجهات الامريكية بس. يبقى امريكا هي المسيطر الوحيد عليه. انما لازم - 00:11:16 تخطيط يبقى مستقل عشان يدخل الزراعة والصناعة والتجارة والحرف والايادي العاملة ويخطط والعاصر كله عندها متوازنة انما لما يبقى في حته كبيرة عنده اللي هي التعاون الدولي يقول اما يخطط يخطط دايما وهو عامل حساب امريكا مش عامل حساب القوى الذاتية - 00:11:31

لكن حتى دي لما ما اتنفتش في الوزارة الحالية اتضح ان السبب ايه ان انا بدل ما اطلع ما هم بيحسبوا علي بالواحد اخلي التخطيط وزارة والتعاون الدولي وزارة وما اقدر احط وزيرين - 00:11:51 والا يبقى بزود العدد تبع الرئيس او مع الرئيس او محسوبين على الرئيس او متناغمين مع الرئيس لأنها بوزير واحد ابقى خدت وزارتين اللي هي وزارة التعاون الدولي بما فيها المفاوضات اللي برة وهو وزارة التخطيط لالتنين - 00:12:07 واتابع الرئيس شخص مخلص ومتناجم مع الرئيس فيه مخلصين كتير من برة. يعني مش مش دول المخلصين الوحدين في مخلصين كتير من برة مجموعات حتى الاحزاب خالص الاسلامية ولا غيره موجود. انما بس متناغم مع الرئيس يبقى ضم وزارتين الى القوى المتناغمة معه بتعيين - 00:12:24

وزير واحد فقط فلما تيجي تحسبها تحسبه واحد بينما انت واحد به وزارتين والنقطة الثانية ان حتى بلد زي تركيا اللي هي بینا وبينها دلوقتي المفروض انها امل كبير للحكومة المصرية لانها تركيا بتساعد مصر وعايزه تساعد مصر وعايزه تدعم مصر وعايزه تدعم مصر وعايزه الميزان التجاري - 00:12:44 الميزان والمساعدات بين كل نوع وحتى من الناحية السياسية يعني تركيا بلد مهم جدا. دلوقتي في دعمها للحكومة المصرية وللنظام المصري البدائي ده انت عشان تعرف تتفق مع تركيا اقتصاديا. محتاج مين؟ الوزيرين اللاتنين دول اللي زكرتهم لك - 00:13:09

ولذلك التعديل الوزاري ده حصل امبارح. النهاردة الصبح راح الدكتور هشام قنديل رئيس الوزراء ومعه وزير الاستثمار الجديد ومعه وزير التعاون الدولي الجديد اللي هم آآالتنين بقى من الاخوان واحد اللي هو الدكتور هشام قنديل رئيس الوزراء راحوا النهاردة في تركيا راحوا موجودين في تركيا - 00:13:28

ليه لان كده اصبح القرار اللي يطلعه القرار اللي يطلعه الوزير بقى مع سلطة مخلصة. طبعا كانوا مخلصين وان شاء الله الباقين مخلصين وكله بس سلطة مخلصة للمشروع الرئاسي. فلما يروح ويقتضي التعاون هناك. شوية قرارات وزارية يقدر يطلعها - 00:13:51

يصدرها يعني فيزيد حجم التبادل والتعاون بين مصر وتركيا وده يطلع مصر من ازمتها انما لو انا كرئيس اتفقنا مع آآاردوغان في تركيا وانفقنا وبنحاول ننفر يستطيع وزير الاستثمار اللي هو مش بالضرورة - 00:14:12 التزم بي ووزير التخطيط اللي مش بالضرورة ملتزم بي ووزير التعاون الدولي اللي مش بالضرورة ملتزم بي انه ما يصدرش القرار يقول لأن ده انا الوزير وانا المسؤول وانا شايف ان الكلام ده غلط واستثنوا ونعمل ونسوي يبقى بيغوق ازا كان في تعويق انا مش برمي السابقين ولا القادمين - 00:14:29

مين؟ انا بقول لك كمبدأ عام هتبقى ضربة معلم لما اجي انا عايز اتعاون تعاون مع دول معينة زي البرازيل دلوقتي وقبلها برضو ترکيا وبلاد اخرى اخلي القرارات التنفيذية في ايد مجموعة متناغمة يبقى ده اسمه وزير الاستثمار يطلع القرارات ده وزير التخطيط يطلع ده وزير التعاون الدولي يطلع ده رئيس - 00:14:47

جمهورية طلع ده رئيس مجلس الوزراء يطلع بقية انا كده مجموعة بتشتغل مع بعض مش شركاء متشاركون. يبقى التعديل هنا بالعكس بس جاي في الصميم وانا بقول لك الكلام ده - 00:15:10

واقرروا الجرائد النهاردة راحوا اعيينوا امبارح راحوا النهاردة لانه في امور بتبقى معلقة على اشياء معينة ولذلك كانت حاجة مهمة التالى ما عرفش بقى اربعة ولا خمسة ولا ايه انه ما يتعلق بتعيين وزير بتروول. انا شفت ان ده شيء جيد ليه؟ لانه انت عارفين ازمة السولار. وكانوا بيروحوا عند محطات البنزين وكان وزير التموين - 00:15:24

يروح ويجي ويحاول وبعدين تم اكتشاف ان في عنصر مهم جدا تابع لوزارة البترول سواء في ازمة السولار او حتى في الكهربا اللي بتقطع او في في غيره في توفير - 00:15:48

فاصبح لازم علشان خط الانتاج على بعضه عشان المزدومة على بعضها علشان ما يحصلش للناس ازمات معيشية تخليلهم يطلعوا في الشارع يضربوا وناس تهتف وناس تزعق وناس تقول يسقط وناس تقول يحيى - 00:16:03

فعلشان تجنب الازمة المعيشية لازم بقية الخط الانتاج ان في وزير التموين وزير بتروول وزير استثمار وزير وبالتالي انت كده انت خليةت خط الانتاج كله ولذلك يا اخواننا خلوا بالكم ان الخصم متغاظ قد ايه؟ الخصوم مش على حامي ولا على بارد كما يقولون. مدايقين جدا. لان انت - 00:16:20

بهذه الصورة بتعمل خط انتاج على بعضه انا الحقيقة الكلام اللي بقول لكم ده عليه ما يصحش انه يتقال بصراحة علنا وانتم السبب انت المسؤولين امام الله بالرسائل اللي بعشرات الالاف بعدد - 00:16:43

وسائل يعني عشرات الالاف النهاردة على النت انه لازم انما ما ينفعش اقول لك ان انا اهو وكل ده له غرف مغلقة ولا معلومات خاصة ده اي اللي - 00:16:56

اللي بيقدر يدرك تطورات الامور يقرأ فيجد هذا الكلام كده يعني موجود فضلا عن الزراعة نفس الكلام الزراعة لما الرئيس يمسك من عشر شهور ولغاية وراح السودان زيارة ولغاية دلوقتي احنا ما نعرفش - 00:17:09

فين اثر زيارة السودان اسمه ايه المشروع ولا الاتفاق ولا غيره اتجد ان في بعد معين في تنفيذ الاستثمار الزراعي اللي احنا عايزينه بيقى اصل وتقرأ ذلك مع ان وزير الزراعة ان شاء الله كان ممتاز ووزير انا لا اتكلم عن - 00:17:24

حد معرفش مين حلو ومين وحش يمكن اللي فاتوا بيقوا احسن من اللي جايين ويمكن اللي جايين احسن وما عرفش ما ليش دعوة به. انا انا باكلمك انا كرجل يعني يعني عندما - 00:17:44

اقرأ افهم وجدت فعلا ان معنى كده ان الاستثمار الزراعي اللي هو فيه اصل المسألة وانه الجانب المعيشي طب في اصل مسألة يعني بيعمل اقتصاد حقيقي بقى مش تابع لامريكا اقتصاد داخلي - 00:17:54

تجيب حد مسئول عن الاستثمار الزراعي وكذلك في البترول وكذلك في الاستثمار وفي التخطيط وفي آد ده الكلام ده كلام كبير مش صغير يعني مش ما هواش حاجة والحقيقة ان في امور تانية ما تتقاشر - 00:18:11

يعني في حاجات تانية ما تتقاشر مش ما تتقاشر عشان سر ما تتقاشر علشان ما حدش يقول ان هو اه فهمنا. ده الكلام ده معناه كذا. ما انا مش مش مفترض مني اني اخون - 00:18:25

الله ورسوله واقول بعض الاشياء اللي اللي يفهم منها يمكن يفهموها دلوقتي. انا انا كفارى بصفة عامة لا شك ان اللي حصل ده يعتبر نقلة للامام يعني غير عادية. انا مش عايز استدرج لمزيد من القول. يعتبر نقلة للامام بلا شك في في معاني - 00:18:41

فيه معاني ويا اخي كفاية انك تلحز زيادة العدد زيادة عدد الوزراء في داخل الوزارة من المتناغمين مع بعض حول الاخلاص انه

عايزين يوصلوا الى شيء عايزين يوصلوا الى نتيجة - 00:19:03

لما بيقولوا دول مسلا كانوا مسلا خمسة وبقوا عشرة مسلا او كانوا اتنين بقوا ستة او كانوا ستة بقوا اتنانش انت تشعر بان هناك زيادة في نسبة الناس المتناغمين على والمصممين على انجاح المشروع. خلي بالك انت كنت في مجلس وزراء قبل كده في مسلا - 00:19:19

خمسة وتلاتين وزير ولا اقل بحاجة بسيطة اربعة وتلاتين او شيء من هزا القبيل. خمسة وتلاتين وزير انت بالكتير عندك وزير واحد قاعد معهم على الترابيزة والباقيين ان شاء الله يقولوا كويسيين بس ما اعرفهمش قبل كده. انا باتكلم بلغة اللي ماسكين السلطة - 00:19:39

لما الواحد ده بقوا اتنين بقوا عشرة بقو خمسة بدأت تنشيء نوع من زي ما بيقولوا برضه الخصوم من التمكين هم اللي بيقولوا كده لان انت تصبح قادر على تسيير الامور والدستور سواء الحالي او اللي قبله او اللي جاي او اللي جاي او اي دستور بيقول ان - 00:19:56

شغالانة الرئيس انه يرسم سياساته وان هو ينفذها فانا لما اجي النهاردة مش زي مبادرة احد الاحزاب التي يعني طبعا الواحد يحزن لها كل الحزن. اللي قالت احنا عايزين نعمل وزارة يخشوا فيها - 00:20:16

الشركاء المتشاكسين يا راجل ده لو اسلاميين ضد اسلاميين في حنة واحدة انت تحتاج واحد بفريقه اللي يستغل عشان يدفع العمل. الناس دي ما ينفعش بتاع الاضاءة يعمل مقلب في بتاع الكاميرا ولا في المخرج يروح مخلي مصباح يرعش. ما ينفعش لازم يبقى فيه تضليل للعمل. فكفاية زيادة العدد - 00:20:30

نسبة انت بعد شوية بتتجد مجلس وزراء متناغم مع بعضه في خط واحد ودي مسألة مش بسيطة ابدا مش مش بسيطة فدي كانت يمكن ايه ايه الاسباب حتى وانا كنت احب انكم تلاحرزوا بس المؤشر بتاع انه انه خصوم هذا الاتجاه متغاظين عشان تفهمي ما هو انت امال يعني متغاظ والحاجة - 00:20:52

وحشة ما هو متغاظ يبقى فيه حاجة يبقى فعلا دي زيادة مساحة حتى الوزير ايه اللي انت زعلانين علشانه او زعلانين على انت لم نتناول هذا الامر ايه يا اخواننا - 00:21:17

وزير الشؤون القانونية والمجالس النيابية هو مين الالصق مين مين اللي ادير مين اللي ظلم من الذي ذبح من الذي كذب عليه من الذي استصدر من القضاء حكم واتنين وتلاتة وعدة احكام فلم يؤخذ لا بده ولا بده ولا بده - 00:21:43  
من الذي قيل انه ان لم يخرج بالاولى خرج بالثانية والى الثانية ما نفعتش يبقى الثالثة؟ من الذي من من؟ ما هو شيء طبيعي ان الضرر ده الصق بها انا - 00:22:07

انا اعرف بما انا فاهم شيء طبيعي ده الشيء الطبيعي ان يكون الانسان يعني هو هو اللي متضايق وهو اللي نفسه يثور. وطبعا حكاية زي ما قلت لكم اللياقة والذوق - 00:22:20

في آآ يعني خلاص دي مسألة كانت موضة قديمة ما عدش موجود بقى فخلاص فاولى انسان بان يذكر كلاما شديدا على هذا الاختيار كان يبقى انا لكن بالله عليكم وانت احباب هل ترضون لي - 00:22:35

هل انت ترضالي انا اني اهبط اخلاقيا واهبط في مستوى الممارسة ورقى الممارسة الى اني اجعل تناولاتي بدل ما هي تجردا للشأن العام اني اخليها مدفوعة بالدافع الشخصي شيء ولقيت فيه شبهة الدافع الشخصي - 00:22:57

فلما اتناوله حتى يظل نموذج الرقي الخلقي في الممارسة هو الاصل ومعروف ومسلم ان انا لازم اكون مدقائق شيء طبيعي لازم اكون فلما اعمل كده يجب ان تشعر ان ده - 00:23:22

يعني نوع من ان الحفاز اني لا اريد ان اهبط اخلاقيا قال لي اي حد تاني يتكلم في الموضوع. انما لا تجعل من اصابه ضرر لشخصه هو اللي يتكلم لان كده لوثت الغرض واحنا يا اخوانا ما صدقنا انه في بعض الناس يرى انه في تجرد ان في حد معين بيtalk متجروا للحق - 00:23:42

ولا يقصد به شيئاً كفاية ده اجي الوف حتى ده حتى البقية الباقيه في نفوس العامة بأنه لازم انا اللي اقول لازم انا اللي اطلع آثار  
هل انت ترضى لي ان هذا الهبوط الخلقي - 00:24:04

فاذما اخترت من اجل ان انزع هذا المعنى من اجل ان انزع هذا المعنى ان الذي يحركنا في القول هو المصلحة الشخصية ان اسكت  
عن مسألة وان اتناول الف مسألة من الشأن العام. تيجي تقول لي انت ما تناولتهاش ليه - 00:24:22

لم اتناولها ليبقى ان ما نتناوله هو وفقط ما يبتغي به بلاش طبعاً المفروض اقول وجه الله عز وجل انما عايز اقول التجدد العدالة  
المصلحة الحق المبين وليس الناحية الشخصية - 00:24:42

فالعكس المفروض ان انت تعرفي لي هذا الكلام دي مسألة يعني لياقة شيء طبيعي اذا ما وجدت الشبهة دي شبهة الدافع الشخصي  
فسكت عن مسألة اتكلموا انت مالك ومالي - 00:24:59

انت مالك ومالي ولذلك انا في احد الاخوة وهم بيجيبوا لي دلوقتي بعض الرسائل اللي حاية يعني انا الحقيقة انا مش عايز طبعاً  
انتاول كل اللي جابوه وكل اللي قالوه لي - 00:25:19

بس يعني يعني يا اخي الكريم يكفيك ان تعلم انتي لا احب ان افتح الثغرة دي. انه يتحول الدافع الى دافع شخصي ما انا عارف كل  
حاجة هو ايه اللي انت عارفينه ده انا مش عارفه يعني مثلاً هذا الوزير - 00:25:32

وانا على فكرة حتى لو انتم تتغاظوا. انا بقول له انا بعترز له ان انا مضطر اتناول هذا الشأن علشان ضغطكم انتم علي انما كان الاكرم  
الا اتناوله ابداً لكن انا عارف - 00:25:51

انه آآرجل يعني والده ابوه كان احد القيادات العسكرية الهامة في المرحلة السابقة في الجيش زميلاً لفلان وفلان كان احد  
القيادات العسكرية الهامة ذات الدور يعني يعني كفاية كده - 00:26:05

وكان اعرف انه كان احد هذا الشخص نفسه ربنا يكرمه يا رب ويعفو عنني وعنها وانا والله ما ما احمل في نفسي اي شيء سبحان  
الله انما انا بس بقول لكم يعني هذا - 00:26:37

اعلم ايضاً انه كان احد اركان ومساعدي وزير العدل الذي كان يتولى اعداد القوانين في عهد مبارك وكان هو معه ومساعد له اللي هو  
المستشار ممدوح مرعي وعارف ايه القوانين اللي عملها الوزير اللي عين امس معروف - 00:26:54

المعروف ما انا عارف هذا الكلام وعارف انه علشان يعين رئيس المفوضين في المحكمة الدستورية العليا اللي بيعين رئيس هيئة  
المفوضين بالاسم وبالانتقاء يمد ايده كده يختاره من وسط الاف القضاة ويحددوا هو حسني مبارك شخصياً. ده قرار لرئيس  
الجمهورية باسم هذا الشخص بتعيينه في هذا المكان - 00:27:17

ما هو انا عارف برضه ده دوره في الانتخابات الرئاسية اللي من ست سبع سنين بتاعة الفين وخمسة وفي الانتخابات الرئاسية الحالية  
اي الاخيرة ايضاً معروف دوره معنا احنا معروف ايضاً ما كل ده هو انت هتقول لي يعني انا - 00:27:45

تقول لي معلومة انا ما اعرفهاش ما انا عارفها انا الاكثر الناس المفترض انه عارف هذا الكلام سواء دور والده في القيادة في عمله في  
الجيش والقوات المسلحة او دوره هو في القضاء مع ممدوح مرعي او في - 00:28:05

في الدستورية او غيره. وهو الذي كتب تقارير الدستورية بصفته الواحد مش عارف يتكلم والله بصفته مسؤول عن هيئة  
المفوضين في المحكمة الدستورية يعني والله يسامحكم يعني انا كان الاكرم الا اتكلم والله - 00:28:21

وحتى الحكم اللي صدر ضدي اللي صدى انا اسف ما فيش حكم صدر ضدي ابداً بفضل الله. اللي صدر لصالح كل الاحكام صدرت  
لصالحي بلا استثناء. حتى الحكم اللي صدر وعارف انهم لفوا مين - 00:28:44

اللي لف على القنوات القضائية دي ودي واللي ما لحقش يبقى بالتليفون و الثاني يوم وتألت يوم وبعد اسبوع ما كل  
دي رسائل الاخوة اللي في القناة وبررة القناة رسائل بالمعنى التي وصلت كلها. ما انا عارف الكلام ده. انا فاهم - 00:28:57

وحتى الحكم اللي صدر لصالحي ده فضل لجنة الانتخابات الرئاسية تليفزيونات كلها تقول اه لجنة الانتخابات الرئاسية مش طرف  
في الموضوع ما لناش دعوة الحكم ده مش حجة علينا. الحكم ده مش مؤثر بالنسبة لنا. احنا لجنة قضائية عليا. احنا وقعدوا يقولوا

خلاص ها بصوا يمين وشمال كده خلاص قلنا في كل حنة والناس صدقت والاعلام اشتغل وكله جم في اليوم الاخير وراحوا رايحين المحكمة طعنوا على الحكم بتطلع من عليه بصفتك ايه ما دام انت مش مختص مش طرف فيه ولا مش مختص بك ولا لك علاقة به - 00:29:35

بيطعن عليه لانه مؤثر عليه ووجه اليه وكان خصما فيه وصادر ضده ومحاميه حضر الجلسة وصدر الحكم ضده ولذلك هو اضطر غصب عنه وان كان خلاص ما بتبعش القضية دي لأن الانتخابات الرئاسية خلصت. القضية الاولى - 00:29:57

دي خلاص دي القضية لأن خلاص هيحكم فيها بقيمة خلصنا. انتخابات خلاص حصلت انما انا بس بقول لك انا فاهم فضلوا يقولوا ما لناش علاقة بالحكم الحكم مش حجة علينا الحكم ما بيخاطبنيش احنا مش مؤثر علينا احنا احنا وراحوا قناة كذا - 00:30:15

قناة كذا وقناة كذا وعشر قنوات خمستاشر قناة عشرين قناة وفي الجرائد واحاديس صحفيه وخلصوا لما الناس خلاص شهر شهرين عدوا والدنيا خلاص في اخر يوم من من مدة الطعن راحوا عملوا طعن. والطعن طبعا ما بيعملوش غير مين - 00:30:31

غير اللي الحكم حجة عليه وكان طوفا في خصومة الحكم طرف مكتوب من ضمن اطراف القضية ما قضية مرفوعة من فلان على فلان وفلان. وما دام عمل طعن بيقى لا مؤثر عليك اهو بيقى فعلا انت مخاطب - 00:30:48

الحكم اهو ولذلك انا حتى القنوات الفضائية انا عايزهم بيقولوا ازكيا شوية. لما بييجوا يتكلموا عنى خلي بيقى في فرق بين اعداد برنامج واعداد برنامج كل اعداد يعمل !! طريقته ويقول كلامه - 00:31:02

انما يا اخي سبحان الله الاعداد العلوي كله بيقول نفس الكلام في نفس الوقت اعداد ده اعداد على مستوى عالي جدا اعداد منزل رايج للكل في نفس التوقيت والبرامج الصباحية والمسائية والضهرية والعصرية كل البرامج بتقول نفس الكلام - 00:31:17

بالضبط يعني اعداد حاجة توارد خواطر سبحان الله طبيعي كده بالصدفة وطبعا انت عارفين انه الليق ان تقول بقدر انما بالصدفة كما يجري على السنة العمل بالصدفة كل الناس يا عيني - 00:31:38

بالصدفة كل اعداد البرامج كلهم آآ جم كده ما فيش حاجة منزلة ولا حد بيقول لهم ولا حد بيتصل بهم ولا ولا في حاجة ده هو طبيعي جدا انه نفس المواد والادوات والمفردات هنا هي اللي هنا ما هو الخبر لازم كل القنوات تتناوله ده شيء طبيعي. يعني خبر -

00:31:54

كل القنوات هتنالو. لكن يتناولوه ازاي او بايه او يقولوا ايه؟ اما بيقى موحد في كله وحتى في مقالات الصحف بيقى لأ ده المسألة ايه مسألة مهياش يعني بيقى ايه؟ بيقى وحي تنزل يعني. طيب - 00:32:14

وانا والله برغم حتى لو غضبتم انا بقول لكم انا قلبي في صفاء تام تام سبحان الله! وهو انا اعتقاد ان شرع ربنا سبحانه وتعالى كده. يعني انا من الجانب الشخصي - 00:32:36

انا عارف ان ده يغضب ناس كتير يغضبوا انما الجانب الشخصي اني يعني مش قعدنا نقول ان نبيت وليس في قلبي غل لاحد ازا ربنا رزقنا ان احنا نجحنا في شيء من هذا - 00:32:49

فيعني اليست نعمة من الله عز وجل؟ انما في زلم طبعا يعني حوادث العباسية ده الاجرام التاريخي وقائع العباسية اجرام وهيفضل في رقابينا حقوق اللي سجنوا وحقوق اللي قتلوا وحقوق اللي اصيروا وجرحوا - 00:33:03

وهيفضل اللي عمله هذه الجريمة الدماء مش تخطر لهم ايديهم مغمومه في الدماء وعملوا مؤتمر صحفي قالوا بكرة سوف نفعل وفعلوا اللي متصور ان ده كان صح علشان ده اقتراب من وزارة الدفاع وكده يقولوا لنا طيب انت انت بتجرم الاقتراب من مقر القائد العام - 00:33:24

القوات المسلحة ولا تجرم الاقتراب من مقر القائد الاعلى للقوات المسلحة ليه ما تسوى بين الذين ذهبوا الى وزارة الدفاع كرمز وطني واللي ذهبوا الى القصر الجمهوري كرمز وطني. اشمعنى هنا - 00:33:47

شجعت الذين ذهبوا وهنا ندلت بالذين ذهبوا ليه انت قلت سببوا اللي محاصرين مجمع التحرير قعدوا قد ايه مش فاكر كم شهر

قافلين ميدان التحرير سرة وقافلين على الفاضي كده - 00:34:05

بعشرين تلاتين واحد بالكتير كانوا موجودين ولكن اللي راحوا هناك فطبعاً دي جريمة وستنزل وهؤلاء حقوقهم في اعناقنا. ووالله يا اخواني مرة تانية لولا ان الموضوع ده ساعتها كان متصل بي انا شخصيا - 00:34:20

كان هيبقى كان لا يمكن اسيبه ليمر لا يمكن انما في الاخر هم حتى اخواننا طعنونا في الظهر كما تعلمون وتعلمون ان يعني الخنادر توالٌ على ظهورنا واحدنا في عز المحن والازمات - 00:34:38

طعن في الظهر خنجر وعشرة ومية والف وشيء طبيعي وفي التليفزيونات وكل شيء. وتعلمون انها انهم حبوا يصورو المسألة على انها مسألة شخصية وذاتية صحيح انا ساعتها كنت في محنة مرضية كما يعلم اخواني حتى من من اساتذة الطب الذين لازموني في هذه الفترة وكان من نوع - 00:34:56

حركة لكن كنتم ممكن حتى ولو بالتأليفون انما الفكرة كانت اني وقد يعني استغفر الله اسأل الله ان يكون لفظ لاذق اعتقدني الله عز وجل بهذا المرض في في هذا التوقيت - 00:35:18

زاد في سبحان الله وحتى يعني حتى الصلوات حتى ما كان ممنوع حتى الجلوس حتى يعني اول مرة استطعت فيها الجلوس كان ساعتها فات قد ايه ازن تلات اسابيع او شيء من هزا القبيل كما تعلمون - 00:35:33

ولكن حتى لو كنت صحيحاً فكان يصعب علي الى حد كبير اني لان الموضوع مختص بي والا كان كله مجمع ساعتها على انه طف يعني علشان مصلحتهم الشخصية عايزين يحرقوا البلد - 00:35:50

فكان ينفع اي حد تاني يعمل لكن انا لأ والله اعلم والحقيقة كان يصح على بعض الناس يعملوا ان كنت انا عارف ان اخواني بذلوا اقصى ما عندهم واقصى طاقتهم. وليسوا مقصرين بل بالعكس عملوا اعمال - 00:36:04

عظيمة لكن ويمكن الترتيب ما كانش يعني بما فيه الكفاية لكن هذا ما حدث احداث العباسية كان القيد ان المسألة ايضاً كانت خاصة بهذا الشخص فيبقى الدور هو دور الاخرين - 00:36:22

النبي عليه الصلاة والسلام وانا لست كالنبي عليه الصلاة والسلام انما في تلات مواقف مشهورة الموقف الاولاني آآ يعني قال لهم عبدالله اللي هو رأس النفاق عبدالله بن ابي بن سلول بيشتمني ويبيقول كزا وكزا فبدل ما ينصروه قالوا له معلش ما هو اصله كان هيبقى - 00:36:39

وراح عليه الملك فخلاص فسابه مع انه مرتكب جريمة الخيانة العظمى لانه لم يجد نصرة الناس من حوله لم يجد نصرة كافية من الناس من حوله وفي مرة ثانية آآ لما اسلم ناس وحب يدي لهم فلوس قالوا وجد اهله - 00:36:59

خلاص يا عم قرایبه جم وفي مرة ثالثة وهكذا فانا كان كان مستحيل ان يكون الشخص الذي هناك شبهة انه هو الذي اصيب بضرر ان هو اللي يحرك اومال فين؟ امة اخرى هي التي تحرك ائمة اخرون - 00:37:20

وكانت نسبة وطبعاً الذين وفوا وكانوا رائعين ليسوا بالقليلين ومنهم من سجن سنة كاملة وربما اكثر و منهم من قتل و منهم من جرح وهؤلاء جميعاً حقوقهم في اعناقنا لا مش لن تبرأ اعناقنا قبل ان لانه يعني مش - 00:37:40

مش سهلة ما تفوت ومش هتفوت ان شاء الله الا ان يشاء الله يعني كل انسان بحسب قدرته فشيء معروف دي جريمة كبيرة ومعروف واللي تسببوا فيها وعملوها يعني معروفين - 00:38:03

المسألة انما زي ما بقول لك كانت التهمة انما كان يجب على اخرين ان يفعلوا فاذا بهم يتحولون الحياة الى انه العكس واما الذين يعني آآ ذهبوا الى هناك فالحقيقة دول اجل الناس - 00:38:21

دول يعني اجل الناس اجل الناس بلا شك ومعهم موقف اخر ايضاً يستوي في الحال هم دول شهداء التسعة اللي قتلوا في موطن والذين قتلوا في هذا اليوم والذين جرحوا وما حدث. هؤلاء جميعاً دول اجل الناس لأنهم كان الصح ما انت - 00:38:39

ما تسرقش مني بمؤامرة ضد احكام القضاء. وانا مش فاهم الناس اللي بتكلموا احكام القضاء اهي كلها في ناحية واحدة. وهنا في ادعاء حكم القضاء بأنه زور وبهتان. باي سلطان يقف الناس مع التقول والادعاء والكلام الفارغ - 00:39:02

ويترك ان القضاء ندد مرة واثنين وتلاته وقال ده كلام فارغ وده انحراف ودي لخبطه ودي كزا ودي كزا. فكل ده معروف خلاص يبقى  
انا ذكرت لكم انا حتى وعلى فكرة - 00:39:20

علشان برضو ابقى قايل كلام من من اخره زي ما بيقولوا عشان تعرفوا انا ايضا ضد هذا التعين يعني انا انا ما نيش مش مش انا  
بقول هذا الكلام - 00:39:35

علشان اغير لازمان كان في واحد مستشار اسمه آكان وكيل نيابة كان اسمه عبدالسلام حامد ازن كان وكيل نيابة واشترك ازا اشتراك  
في اه جرائم التعذيب ضد الاخوان المسلمين - 00:39:48

في الستينيات خمسة وستين وغيره فلما كبر عبدالسلام حامد ده بدل ما كان مسلا وكيل نيابة عنده تلاتين سنة ولا خمسة وعشرين  
سنة ولا حاجة كبر بقى سنه ستين خمسة وستين سنة فات تلاتين اربعين سنة و - 00:40:11

وعين عينه رئيس الجمهورية عينه في يوم من الايام على انه المدعي العام الاشتراكي في مصر. ودي كان منصب خطير لانه نقلة  
سياسية ويقدر يحط الاموال تحت التحفظ والاشخاص تحت التحفظ ويقدر ويقدر شيء رهيب - 00:40:28

ساعتها قام قام متحدث الاخوان في مجلس الشعب وكان الله يرحمه المستشار مأمون الهضيبي وهاجم تعين هذا المستشار وقال ده  
ده واحد الاحكام القضائية قالت انه مشترك في التزوير. وانه مشترك في التعذيب - 00:40:47

وساروا واعتبروا ذلك من عدم اللياقة الا شك ان انا يعني كلام واضح يعني انا مش مش مسلا واحد موافق بس بقى تعالوا بقى نتكلم  
عشان تعرفوا ان اللي قلته امبراح وانتم اللي اضطربتوني لهذا - 00:41:11

عشان تعرفوا ان اللي انا قلته امبراح ودایما يا اخواننا كده لما اقول لكم في حاجات بس مش هقدر اقولها في اشياء معينة كده في  
 حاجات ما تبقو عارفين ان فيه حاجات فعلا بيطلع كلام مزبوجة ومن امبراح للنهاية بس مضطرا اقوله ودي قراءة - 00:41:26

تعالوا الموضوع تعين هذا الوزير كوزير للشئون القانونية والمجالس النيابية لا يخلو في الحقيقة من من لطائف. نتعلمها تعالوا  
نتعلمها. صحيح هو تعينه خلي المحكمة الدستورية العليا تخلو منه خلاص ما عدش موجود في المحكمة الدستورية العليا -

00:41:44

خرج منها كده بل خرج من القضاء كله لم يعد في القضاء خلاص لم يعد قاضيا مع ان هو كان هو لا يمكن عزل هذا الشخص وهو في  
القضاء ولا هو في محكمة دستورية - 00:42:05

دلوقي اصبح ليس في القضاء كلية وليس في المحكمة الدستورية خلاص يقدر وزير بقى خمس دقايق ويتعزل ولا سنة ويتعزل ولا  
عشر سنين ويتعزل ولا الله يقدر يوم ويمشي خلاص ترك القضاء وترك الوزارة. قعد عشر سنين خمستاشر سنة ويمشي نفس الحكاية.  
انما المهم ان خرج من هذا المكان - 00:42:21

واضافة الى كده انه عشان تعين واحد مكانه رئيس للمفوضين في المحكمة الدستورية العليا القانون بيقول مين اللي عينه؟ رئيس  
الجمهورية فرئيس الجمهورية الان بمقتضى هذا يستطيع ان يختار انقى قاضي واسلم قاضي وافضل قاضي وارشد قاضي واخلاص  
قاضي ويروح واحد مع - 00:42:46

رئيسا لهيئة المفاوضين في المحكمة الدستورية العليا فيصبح دخل داخل هذا المكان اللي مليان ناس من اه يعني اختيارات سابقة او  
نوعية معينة او انتم فاهمين وانا فاهم والناس كلها فاهمة وكل حاجة اول حد يمكن ادخاله - 00:43:13

اهو دلوقي لان المنصب اصبح شاغر فيستطيع رئيس الدولة ان يعين رئيسا لهيئة المفوضين للمحكمة الدستورية العليا قاضي  
محترم نزيه يدخلوه اصبح هذا المكان المغلق على اهله الموجودين ويبقى زي ما اتشال قبل كده القضاة اللي كانوا في المحكمة  
الدستورية واتصالوا فلان وفلان وفلان وفلان - 00:43:31

يعني كل شوية في حد بيطلع من المحكمة الدستورية واصبح الان النقطة الزيادة ان انا اقدر اعين رئيس لهيئة المفوضين داخل  
المحكمة الدستورية ولما يحصل كده بقى اصبح ايه اللي معروض على المحكمة الدستورية اللي بتحكم فيه بناء على تقرير هيئة  
المفوضين ده اللي هيكتبه اللي هيشرف عليه الرئيس الجديد اللي احنا لسه - 00:43:56

ما نعرفش هو مين موضوع قضية حل مجلس الشورى قضية الانتخابات الرئاسية وتزويرها ولا عدم تزويرها. كل القضايا دي يبقى  
انت بالطريقة دي حصل ايه؟ ده انت غيرت الناس اللي بيشتغلوا في الكلام ده - [00:44:18](#)

ولسه اخذ في هذا. سبحان الله! ونسبيت اقول لكم من ضمن التعديل الوزاري ان وزير العدل كمان من ضمن مميزات انه معشش الواحد  
كان يجب انه اكون مرتب الافكار شوية انما عشان باتكلم من الذاكرة وزير العدل اللي تم تعيينه ايضا - [00:44:34](#)

كان من ضمن الالشیاء لانه عين وزيرا للعدل منتخب من القضاة ده رئيس نادي القضاة ازا كان في رئيس نادي قضاة هنا آآله حیثية  
معينة في التعبير عن القضاة وزير العدل اللي انتخب النهاردة رئيس نادي قضاة - [00:44:54](#)

وممنتخب من زملائه وكان مختلف معهم من قبل الثورة مع المجموعة الحالية مش بسبب بقى دلوقتي لا اسلاميين ولا ثورة ولا غيره لا  
ده اختلاف معهم من قبل الثورة وله وضع معين وله رغبة معينة - [00:45:12](#)

باجراء يعني اصلاح للنظام القضائي في مصر فالعكس انت اتيت بمن انتخبه القضاة وصاحب منهج وفي نفس الوقت مختلف  
الكلام ده كله مسائل الحياة توضع في الاعتبار الحقيقة. ما هو انا لازم اشوف يا جماعة - [00:45:29](#)

وزي ما بقول لك الكلام ده كله كان يصح الا يقال كل هذا الكلام اضف الى هزا بقى انه الوزير اللي اتعين اللي هو زي ما باقول لكم آآ  
اعينوا امبارح ولا اول امبارح ده وزيرا للشئون القانونية - [00:45:47](#)

المجالس النيابية ده ماسك وزارة ما لهاش سلطة ده معنى يعني انت ايه ده انت شلته من القضاء في كتب الدستورية واخليت  
مكانه بحيس تعين واحد تاني وحصل كذا - [00:46:03](#)

ومسكته ايه ولا حاجة مسكت وزير وزارة ما لهاش قرارات وزارة الشئون القانونية والرئيس لسه عامل هيئة استشارية في رئاسة  
الجمهورية ازاي ووزارة العدل فيها هيئة تشريع مسكتوا وزير مجالس نيابية يعني مسألة - [00:46:22](#)

مجالس نيابية يعني يتكلم مع البرلمان يحضر الجلسة ويتكلم والبرلمان كله ما هو غالبيته اسلاميين حزب النور وحزب الحرية  
والعدالة سلفيين واخوان يعني انت عينته يروح يكلمك في البرلمان شيء الحقيقة يعني انا انت مش عايزني الا حز كل ده -  
[00:46:42](#)

ایوة ماشي انا عارف مدياق لنفسي ومتضايق لاخواني ومتضايق لكن ايضا في منهج في شيء سابق يثير الغضب والقلق وانا لسه  
ضده واللياقة تقتضي عدمه. والذوق الرفيع غير كده والمبادئ غير كده وانا لو - [00:47:05](#)

تيسرت اقول لأ وكل حاجة انما انا بحكي لك اشياء واهي واضحة. مش محتاجة مش ده بالعكس ده بيقوله النهاردة في تحليل لسه ما  
رجعتش للنص ان كمان طول ما ما فيش رئيس لهيئة المفوضين في المحكمة الدستورية - [00:47:24](#)

تفضل القضايا معطلة او المحكمة معطلة وما تعرفش تفصل في قضية كذا او كذا او كذا ان ما فيش رئيس هيئة مستشارين. آآ اذا صح  
هذا الكلام ده هم اللي بيقولوا النهاردة الكلام ده في كل وسائل الاعلام. يعني كمان تعطل شغل المحكمة الدستورية كله بهذه الصورة  
لحد ما ربنا يفرجها بقى - [00:47:42](#)

ويجي ازا ص حيقولون انا لم اراجع النص بعد آآ فيعني يعني اقول لك ايه بقى اقول لك يعني يعني تفتكر اقول ايه انت مش انت  
مش معی على انك بتبعد شخص ولا على انك بتؤمن بشخص ولا على انك - [00:48:02](#)

انت انت عارف انت لكن انا اهو قلت لكم امبارح ان فيها اشياء وضحت لها واستشعرت ان فيها يعني مهارة وانه وانه وان اديني  
حكت لك وزير الاستثمار ووزير التعاون الدولي ووزير العدل ووزير التخطيط وزير البترول وزير - [00:48:29](#)

حتى الوزير ده حتى الوضع المحكمة الدستورية حتى حتى كفاية ولا ايه؟ مش تبين لكم كده ان في اشياء تبين لكم ان انا يعني ان ما  
فيش ولا غرف مفتوحة ولا غرف مفتوحة - [00:48:48](#)

ولا لسة؟ تبين لكم ان فيه معاني بنقطع بها شوط لقدم ولا ما تبينش؟ تبين ولا لأ تبين ان هذا الكلام مش ان انا سكت عنه لانه يعني  
دول لم يجرموا وعملوا صح ولا حاجة وانما اني اثرت المصلحة المصالح - [00:49:02](#)

الشرعية فيما يكون من من اخلاء الطريق من المعوقات نحو الرشد والنجاح وفضله على نوازع النفس فضلـت الا اتحدث رفعـة

للمكارم الاخلاق. وحتى لا توجد شبهة الغرض ولا تزى - 00:49:24

ارجو على كل حال يعني انه انا احاول ان اصدق اخواني انه اذا كنت واحنا اتعطلنا النهاردة انا والله كان عندي اليوم كلام انا لا اعرف اذا كان يصبر للاسبوع الجاي ولا ا - 00:49:45

لكن انا حبيت اترفق بالقلوب واترافق بالناس اللي ممكن يظنو انهم يصابون في شيء كانوا يعني يعولون على تجرد او على اتزان او على رشد ويعني والصفح مبذول لكل يعني من كتب لا مشكلة ابدا - 00:50:04

انما انا اليوم عندما اجد انه مدينة الانتاج الاعلامي صارت في في يرجى رشادها بكل قنواتها الفضائية وان المحكمة الدستورية يمكن ان يدخل اليها من يرجى رشاده وان عدم الضغط على القراء في مصر - 00:50:26

واسأل الله بس ان يرشده احسن ده انما انا لا زلت ضد المنهج ده ما انا قلت لكم الكلام ده مرة واثنين وتلاتة واربعة وعشرة. لست انا مش موافق لسه هذا الكلام ضد رأيي. ولما الاقي ان العدد بيزداد - 00:50:46

ولما الاقي ان المشروعات الجوهرية لمصر متعلقة بالزراعة بتتجه اتجاه معين اعرفه وزي ما قلت لكم في اشياء لا استطيع ان اقولها والا يبقى خائن ابقى استدرجت ومش عرفتها عشان واحد قالها لي - 00:51:01

مسألة اللي اللي يبقى عنده ثقافة مثلاً يعني في سياسة زراعية او في سياسة استثمارية وفي لما بيقرأ بيشفو الكلام ده انما بقى تعالوا بصراحة تعالوا نتعلم حاجة من الرسول عليه الصلة والسلام - 00:51:17

تعالوا يمكن يعني ندرك شيء من عند رسول الله صلى الله عليه وسلم الرسول صلى الله عليه وسلم مين كان قائد القائد العسكري بتابع الجيش اللي بيحاربو جيش الكفار جيش قريش كان ابو سفيان - 00:51:36

ابو سفيان اللي بيحارب الرسول عليه الصلة والسلام راح يزور راح المدينة عند الرسول فدخل بيت صلى الله عليه وسلم فدخل بيت الرسول. مين اللي في بيت الرسول؟ بنت ابو سفيان لانه كان متجوز بنت ابو سفيان - 00:51:54

ياك فابو سفيان قائد جيش الشرك دخل بيت قائد جيش اليمان عند بنته اللي هي مرات قائد جيش اليمان اللي هي بنت ابو سفيان مرات الرسول عليه الصلة والسلام والرسول عليه الصلة والسلام قال لها اكرميها - 00:52:09

ده ده اللي محاربني ده اللي مبهدل الدنيا هو ومراته كانت. مراته اللي خربت الدنيا دي ولما راح مكة وهو لسه كافر ابو سفيان قال لهم من دخل دار ابي سفيان فهو كافر - 00:52:27

فهو امن استغفر الله العظيم من دخل دار ابي سفيان فهو عارف بقى لو فيه انترنت دلوقتي قالوا كتبوا له الاربعين خمسين الف كومنت ولا رسالة ولا الحاجات اللي الاخوة بيقولوها دي - 00:52:44

يقولوا له ازاي مش ده اللي زور الانتخابات الرئاسية وعمل مؤامرة وطلع غلط واتقال لو لو ما خرجش بالجنسية يخرج بالجومع ازاي ازاي انتقل دار ابو سفيان فهو امن بتكرمه بعد كل اللي عمله فيك - 00:52:58

واللي حارب الرسول عليه الصلة والسلام كان عكرمة ابن ابو جهل حارب الرسول لغاية ما اقتل ابو جهل كمل المسيرة بعده ابنه عكرمة وفضل يحارب ومع ذلك الرسول عليه الصلة والسلام بعث له عمه عمدة الرسول المعروفة - 00:53:16

كدليل على ان هو بيأ منه. قال له وهو كافر والوزير ده مش كافر ولا نعرف عنه شيئاً يجعلنا نقول عنه اي شيء من الناحية دي الناحية العقائدية يعني. لما ده كان كافر ابو سفيان - 00:53:35

صفوان ابن امية ابن خلف. امية ابن خلف رأس الكفر مات وابنه كمل العداوة بعد صفوان ابن امية ومع ذلك الرسول عليه الصلة والسلام وصفوان لسه كافر وكم شتموا الرسول واذوه ونددوا به - 00:53:57

ومع ذلك صفوان ابن امية لما واقف كده فلقى جمال ابل تماماً وادياً بين جبلين لاول مرة في حياته يشوف هذا العدد الضخم من الجمال وانتم انتم عارفين العرب المد رأس مالهم المادة بتاعتهم كانت الجمال مش هو اللي عارفه ان الجمل الديمة مائة ناقه مش عارف ايه عشر ناقه خمس نوق - 00:54:21

وبتدفع الجمل ده هو الثروة فشاف اجنس عربيات مرسيدس فيها عشر تلاف عربية شاف وادي بين جبلين مليان ابل فشهقا ياه عمري

ما شفت ده فالرسول عليه الصلاة والسلام قال له وصفوان لسه كافر وابن كافر ومحارب وابن محارب - [00:54:48](#)  
والوزير اللي بنتكلم عنه مش كافر مع ذلك قال له عجباك يا صفوان اتعجبك؟ فقال هو من هذا الذي لا يعجبه هذا فقال له اربع حروف. قال له هي لك - [00:55:16](#)

بوسطها هي لك هي لك واخذ كل هذه الجمال بتدي له مكافأة على انه كافر على انه حاربك لكن هذا ما نعلمه على المنبر او نتعلمه  
من يصعد المنبر ولما نيجي في التطبيق مش عارفين نوصل - [00:55:31](#)

احنا نقدر نقف عند ما فات فعلا نقدر بمنتهى البساطة نقف عند اللي فات لكن عندنا مصالح شرعية عرفتم بقى يا اخواني التعديل فيه  
ايه عرفتوا ايه اللي اصبح في سلطة مين ما كانش في سلطة مين عرفتوا ايه الحكاية - [00:55:49](#)

عرفتوا ايه القرارات اللي ممكن تتخذ دلوقتي هو ده اللي انا ذكرته امبارح في يمكن ما اعرفش قد ايه كم ثانية. ما اعرفش دقيقة ولا  
دققتين لما قلت لكم ان هي فيها ملامح وفيها كذا وما كنت احب ان اقول - [00:56:12](#)

انما ها قد قلت لكم بعض وليس كل ما يمكن ان ان يثار على هذا الكلام يعني لعل لعل هذا الكلام يعني بس نتعلم ان نثق شيئا ما  
- [00:56:26](#)

في في قابل الايام ان شاء الله بما يمكن ان يكون. ايه الاخوة طبعا احنا اتعطلنا يعني اليوم النهارده اخذناه في شيء كهذا تجاوبا مع  
وغرر الله لي والاخواني وانا والله لا اشعر باي غضاضة بل احبهم في الله - [00:56:44](#)

يعني هؤلاء الذي بس يعني عايز اقول لكم يعني يعني للدرجة دي انه لا الرسالة ولا المخاطر ولا ناس شايلين اكفهم على آآ  
وارواهم على اكفهم ولا ولا ان احنا في وسط البحر ولا حاجة للدرجة دي يعني على كل حال - [00:57:06](#)

نسأل الله عز وجل اه وخصوصا الاخوة اللي ياخدوا من الكلام ده مؤشر على انه ما دام ما بهدلناش فلان يبقى فلان الظاهر ما كانش  
غلط يا سلام ايه المنطق ده؟ ايه الاستدلال العظيم ده - [00:57:27](#)

على كل حال انا يعني احبكم في الله واسعير بان الصفح والحب والسعنة تعمق القلب وعلى كل حال قال اوضحت لكم بقدر ما اشعر انه  
ليس خيانة لله. لاني ممكن استدرج اكتر عايز - [00:57:44](#)

ابهار الناس بالمنطق فاقول بعض الاشياء مما يصح الاتصال اسمحوا لي فقط قبل ان اختتم هذا اللقاء على اه قصره وعلى اني تركت  
الموضوع الذي كنت احب ان اتكلم الى حضراتكم فيه - [00:58:02](#)

وعلى فكرة انا لغاية الساعة ستة مساء يعني لم اكن انوي اطلاقا ان او كنت انوي الا اعلق مطلقا وبعدين الساعة ستة واحد آآ يعني  
اتصل بي طبعا الرسائل طول اليوم لكن واحد اتصل بي وقال لي الكلام قلت له طيب خلاص هاذكر ها علاق كده طرف - [00:58:17](#)

وبعدين لما جيت هنا اجتمعوا علي اخواني هنا الحقيقة واطلعوني على الصورة الفزيعة اللي موجودة عند الناس وانا مش عارف ازا  
كان الكلام ده نفسه مقنع ولا لا الحقيقة بس هذا ما عندي - [00:58:41](#)

هو ده اللي عندي انا ما مش علشان اخاف من حد اقوم يعني آآ اهو انا قلت لكم اللي عندي كله. يعني انا ارى انه اذا تقدمت الامور  
خطوة لامام - [00:58:54](#)

وخصوصا ان خصومنا تبع اليهود وخصوصمنا تبع الامريكان موجودين وخصوصمنا تبع الفصائل اللي كذا يعني مليون خصم وخصم  
عايزين يفسدوا المسائل فاحنا يعني آآ احنا لما الاقي ان الامور بيحدث امل انه يعني حياة لامال - [00:59:07](#)

يصح ان انا اقول ايه ده فيه نقاط لامال وانا قلت لكم على كل حال جزء منها انا مش عارف ازا كان واضح ولا لا على كل حال ليها  
بس التعقيبات سريعة على بعض النقاط - [00:59:31](#)

اولا تعقيبا على اللي قلته امبارح النهاردة القوات المصرية العسكرية راحت لثاني لثالث مرة في فترة زمنية قصيرة مع انه ده ما كانش  
بيحصل قبل كده ابدا قبل الثورة ذهبت الى تبوك في السعودية - [00:59:45](#)

علشان تعمل مناورات لثالث مرة ولسلاح جديد بين شرق البحر الاحمر وغربيه علشان حماية الممر الملاحي للبحر الاحمر وانا قلت لكم  
امبارح الممر الملاحي ده بيستخدم في ايه راحت تبوك - [01:00:05](#)

المرة دي مش القوات البحرية زي ما حصل في المرة اللي من شهرين وذكرتها. كنت زكرت لكم ساعتها المناورات العسكرية البحرية اللي حصلت بين مصر و السعودية للتأمين البحري عن طريق الاسطول البحري. النهاردة بقى - 01:00:22

قوات المشاة طب قوات المشاة مالها؟ ده ده هنا ده ضفة وده ضفة لكن ذهبا اليوم لثالث مرة وانا مبسوط من كده ده شيء عزييم انه الجيش المصري والجيش السعودي يعملوا مناورات - 01:00:38

مع بعض بس انا عايزكم تربطوا ان المناورات الخاصة اللي هي ما حصلتش قبل الثورة وهي تلات مرات في فترة بسيطة وكان بيحصل قبل الثورة لما حبوا بس يعني مش عايز بقى ادخل لانه الكلام ده يحتاج شرح وانا كنت ناوي اشرحه آآ بالتفصيل و كنت خلية الاخوة يجهزوا لنا الخرایط - 01:00:48

علشان نستخدم الخرایط في ان احنا نشاور ونقول ايه اللي ناقص وايه كده انما اهو النهاردة اقرروا الجراید بتاعة اقرروا النت النهاردة واقرروا جراید بكرة هتلاقوا ان القوات المصرية قوات المشاة ذهبت الى تبوك في السعودية - 01:01:08

ثالث مرة لثالثة عشان تجري هذه المناورات عشان تعرفوا ما ذكرته لكم والناس حاسة ان ده الاخوة كويسيين والناس حلوة وما فيش مخاطر يعني خلينا كما آآ نحب فضلا عن ان وزير الدفاع النهاردة موجود ايضا في تركيا - 01:01:24

يعني هشام قنديل والوزيرين الجداد دول رايحين عشان الناحية الاقتصادية وهو موجود عشان الناحية العسكرية الخاصة بسوريا اللي حصلت الغارة امبارح طبعا انا كنت احب ان يبقى في وقت لافصل العلاقة بين الغارة والزيارة والمناورات انما على كل حال آآ ان شاء الله آآ الله اعلم - 01:01:44

من دلوقتي الاسبوع الجاي هيبقى فيه خصوصا الاسبوع ده فيه حكم المحكمة الدستورية في يوم اتناسن مايو آآ في يوم اتناسن مايو مش عارف ده هيكون يوم سبت يمكن ولا حاجة ولا الحد في مسألة مجلس الشورى - 01:02:04

آآ على كل حال لعلنا الاسبوع الجاي يبقى لسه فاضل شيء. الحاجة الثانية في الحقيقة واحدة كتبت النهاردة او امبارح مقال عنى. طبعا المقالات اللي بتهاجم ماريا كل حاجة. بس انا - 01:02:24

يعني عايز اقول لكم حاجة انا لما حد اتناول شيء وحد يهاجمني بتبسط جدا ازا كان هيهاجم اللي انا قلته انما هو بياكلف من عنده عشان يعرف يهاجم فكتابة واحدة من اللي بتقول انه انه فلان الفلاني انا يعني - 01:02:39

بيقول على على عن المؤسسات الازهر والجيش والشرطة و كانواهم اعداء الشعب. انا قلت كده حد جاوب انا قلت انا افدي كل واحد في هذه المؤسسات بروحى وبعنيقي وبدميولي الشرف - 01:02:59

ودي مؤسسات وطنية كل الذي قلته ان وضع نظام لاصلاح المؤسسات ليس نقىض احترامها وانه مش تمن احترام المؤسسة انك ما تصلحهاش بس اكتر من كده الكلام ده ما يتهاجمش فراحوا مؤلفين هم كلام عشان يعرفوا يهاجموا. انما وهيفضلوا زي ما قلت لكم تدليس ونصب وانحراف لم يقل احد - 01:03:16

دون هذا. كل اللي انا قلته ان وضع نظام للمؤسسة وضع نظام للمؤسسة مش معناه انك ضدها ومش التمن وانا مش هخلي زي ما قلت لكم في الكلام عن تعيين الرجل آآ حاتم باحاتو دهوت - 01:03:45

زي ما قلت لكم هذا الكلام مش هخلي مكارم الاخلاق هي الذبيحة اللي ادبحها قربانا عشان آآ يعني الارضاء العام لازم الشيء اللي فيه شبهة نترفع عنه. ازا كنا في احداث العباسية ما رضيناش - 01:04:00

احنا اللي نحرك الاحداث لان بقت في شبهة الناحية الشخصية والناس قالوا كل الاخرين سابوهم وهم بس عشان مصلحتهم الشخصية فاحنا لازم نضع في نصب اعيننا برضو مسل هزه المقالات اصلاح اي يعني لما احب اقول اصلاح الازهر ده مش عداء للازهر - 01:04:16

اصلاح الجيش مش عداء للجيش راح النيابة مش عداء للنيابة راحوا الشرطة مش عداء للشرطة اصلاح القضاء مش اصلاح اصلاح الصحة مش عداء للصحة. وهكذا لازم تبقى ثقافتنا كده وضع - 01:04:37

نظام سليم قررتوا كتير لكن اول مقال فوجئت انه لان هذه فيها اعداء للشعب وجاء من نظام مبارك يا اخوانا بنقول ايوة كل هذه

الاماكن تسلل الفساد اليها وتغل فيها وكثير فنريد ان نصلحها ان ننظفها. انا بجيبي بنت في البيت - 01:04:53

الكريمة الطيبة اللي بتساعد في البيت واقول لها يا بنتي الاوضة من فضلك اعمل الشيء الفلاني لأنها مش بيقى انا باذن بيتي ولا باعىده نظيفا طاهرا ابني بيرجع من التمرين ولا من النادي اما ان يكون آآ مزبوط عمل في النادي آآ ووضى بنفسه واما اني اقول له لأ ما تجييش كده - 01:05:17

هذا اصلاح وليس النقطة الثالثة فيما يتعلق بما يشاع لانه الحقيقة ما اعرفش ليه الرسالة دي بتجي لي انا اللي هي حكاية اه القضية اللي بيشيروها حكاية هروب الدكتور مرسى من السجن. والله العزيم - 01:05:42

عيب على الثوريين وعار عليهم عار عليهم وان شاء الله بازن الله هاجمع اللي كل اللي كتبه في هذا الكلام عار عليهم عشان يفضل لاصق بتاريخهم طول العمر انت بتتكلم عن واحد او عن ناس اتقبض عليهم من وسط الثورة. من وسط الثورة ده راحوا مش خمسة وعشرين ينابير سبعة وعشرين ينابير - 01:05:58

امتدت الايدي الى الثوار وقامت على هذه المجموعة قبل جمعة الغضب لانه كان معروف ان هيكون لها تأثير اتاخدوا مخصوص يعني في في اطار النزاع على الثورة في اطار ان دول ثوار ودول ضد الثوار - 01:06:21

واتحطوا في السجن لما يقدر يفلت من حسني وبركة ونظامه حتى لو كده حتى لو هو اللي عمل كده تقول له تحاسبه بيقى انت مش ما كنتش مع الثورة. ده انت كنت مع اللي بيقضوا على الثورة - 01:06:43

لان ده كان مقبوض عليه في الثورة وعايز اقول لكم حاجة في الاخ اللطيف ده الشاب اللي هو اللي هو وائل غنيم وائل غنيم لما قبض عليه من وسط الثورة - 01:06:58

وهو من الاشخاص اللي قاموا بها او اللي دعوا بها او اللي نزلوا على النت عنها الدنيا اتقلبت وخلوهم يطلعوا وائل غنيم من السجن ويروح امين عام الحزب الوطني الديموقراطي - 01:07:13

الحزب الوطني عارفينه بتاع حسني مبارك وبتاع احمد عز وبتاع كمال الشاذلي وبتاع صفات الشريف وبتاع هو الذي يصبحه ياخده كده معه ويوصله لغاية بيته وتيجي التليفزيونات تبروز هذا الكلام. طب ده سجن وده سجن - 01:07:32

تحول هذا السجين ان هو سجنه كان جريمة النظام. وده لما يتسجن تقول له ازاي تخرج تبقى انت ثائر ولا نصاب ولذلك القانون اللي طلع بتاع اعفاء ده يشمل افراد حتى ثبت عليهم الكلام ده - 01:07:51

مش في قانون صدر باعفاء بالعفو عن مش عن العقوبة حتى ازن الغاء انها مش جريمة او العفو عن العقوبة ايوة لكل من ارتكب في الوقت من الوقت الفلاني للوقت الفلاني بقصد نصرة الثورة - 01:08:09

طيب دول قبض عليهم في الثورة وخرجوا يوم جمعة الغضب حصل جمعة الغضب خرجوا يوم السبت اللي بعدها. هذا يشملهم العفو مش مش هشلهم العفو بعد ما يتحكم عليهم ده ممنوع يتحكم عليه. يعني حتى لو كده ممنوع يتحكم عليه قانونا بس الجهلة ما بيتكلمواش وخلی حد من اساطير القانون يطلع - 01:08:25

هيقول الكلام ده مش صحيح. خليه يطلع يقول عشان عايز اسجل انا عايز اسجل عايزين نسجل الكلام ده فباتالي اللي بيقول لي الكلام ده بتقوله لي انا ليه انما لا شك انها عيبة كبيرة في حق الجماعة الثوريين. واديكم شفتم - 01:08:45

الاخ اسمه ايه المخرج خالد يوسف الذي اعترف هو ادي الثورة و بتوع الثورة حمددين صباحي ثورة و خالد يوسف ثورة وفلان ثورة ومصطفى بكري ثورة كل ثورة راحوا سابوا راح قعد مع احمد شفيق - 01:09:05

قعد معه بقى نموذج الثورة اللي كان بيهاض ضد احمد قاعد مع نموذج الفلول. اه بس قلت له كذا اصل لقيت ما يصحش واسلم عليه سلم عليه وما يصحش ايه رايح له في غرفته في فندقه في دولته البعيدة عن مصر. يعني رحت لمصر الامارات ودخلت الفندق وطلعت فوق - 01:09:26

الاوضة بتاعته وسلمت عليه وقعدت معه واتكلمت معه حوالين الله اعلم بقى ما حدش سمعك ادي وده بيقى كده وفي المقابل السوريين يتكلموا عن انه اللي قبض عليه حسني مبارك في وسط الثورة - 01:09:46

في وسط الثورة ازاي يجرؤ ان هو ما يخضعش لنظام حسني مبارك. دول الثوريين سيظل التاريخ يسجل العار والخزي وما الى ذلك على هؤلاء جميعا. ايه الاخوة كلمة اخيرة الى الاسلاميين - [01:10:05](#)

انتم اللي عملتوا فيينا كده منهجمكم هذا حتى في سياسة الحكم حتى في التعامل مع القوى العالمية والداخلية حتى في التعامل مع القوى اللي بتزعم انها ثورية ولا المؤسسات انتم اللي عملتوا فيينا كده - [01:10:24](#)  
وانتم مستمررين في هذا ولن تكون هناك لن يكون هناك حل الا اذا ربنا سبحانه وتعالى هداكم وهدانا وقدرتوا تعرفوا ان في حاجة اسمها موازين القوة اللي لو ما تراعيهاش لازم هتبيجي عليك - [01:10:49](#)

فاتقوا الله عز وجل انتم تبددون موازين القوة تبددونها على وهم على وهم انك بتحاول تعمل اصلاح اقتصادي وسياسي وتقدر تكسب. والثاني شايف كده. زمن انت وهو في مسابقة هو عارف انك مين اللي هيوصل الاول هو مش عايزك توصل - [01:11:07](#)  
وانت متتصور انك هتتعرف توصل فقاعد تدفع تهدر موازين القوة ارميها تهدرها وتحاول تحقق اصلاح اقتصادي وكلام زي كده لا اهم شيء ان تنظر في ميزان القوة علشان مش وانت بتعمل يتتشال كل شيء - [01:11:26](#)

ولذلك حتى الذين هاجموا التعديل الوزاري وانا لا شك اني منهج الوزارة كله لا يعجبني بلا شك في هذا انما اتنين ثلاثة من الزعماء السياسيين وهم بيهاجموه ليه يقول لك علشان عايزين ما تبقاش لوحدك - [01:11:50](#)

قود الشركاء المتشاكسين دخل معك الناس اللي مش متنغمسين معك. ده انت بتغرق المركب ايه فصيل واحد مش هيشيل هو احنا فصيل واحد هو لما يبقى فيه وزير هيختلي كل الشعب كله فصيل واحد انا في وظيفة - [01:12:07](#)

واشغل الناس انا رئيس شركة بس الشركة فيها الف واحد ده مش فصيل واحد. ده بيتولى ادارة فقط يجي حزب مسلا الوسط ولا النور ولا المصري القوية ولا الاحرار الدستوريين دول ولا اسمه ايه ولا الوفد ولا التجمع ولا اي حزب من الاحزاب - [01:12:23](#)

ويقعد يقول له لأ ده الكلام وحش عشان كذا لأنما في الحقيقة هم الذين يعني اسأل الله سبحانه وتعالى ان احنا نفيق واسأل الله انه الاسبوع القادم اعرف اكلمكم وعايزكم تبعتوا بحرية جدا النهاردة ابعتوا كتير عشان انا عايز اسمع ازا هذا الكلام غير - [01:12:41](#)  
مقنع واسأل الله لي ولكم الرشاد والسداد ايه الاخوة اصبحنا يعني آآ في اوقات الفضل رجب وشعبان ورمضان وآآ الاشهر الحرم واشهر الحج فاسأل الله سبحانه وتعالى انه نتعلم ان نتعامل مع طاعة الله عز وجل وان يصلح الله قلوبنا وان يفقهنا في ديننا - [01:13:01](#)

ذكر الله لكم وحياتكم الله والسلام عليكم ورحمة الله وبركاته - [01:13:25](#)